

SCHNITZELBANK 2026

WWW.STVWB.CH

TURNVEREIN
WOLLERAU-BÄCH

Mir sind neutral, wänd kei Verbünd, sind eigeständig,
wenn d'Russe chömmet wehret mir eus eigenhändig,
händ zwar kei Flüger, Drohne aber d'Schwizer Garde,
die kämpfet gnau wie d'SVP mit Helebarde!

En Serie vo librüch d'Schindellegi obe,
sogar im Moonshine-Stübli tüend si sich ustobe,
s'isch nüt passiert, kei Schade dobe uf em Hügel,
s'Wertvollschte wo sie klaued händ sind Poulet-Flügel!

Chli wie de Thor schwingt er bim US-Zoll sin Hammer,
als Captain vo America isch er en Jammer,
und au vom Spiderman nur schlächti Eigeheite,
flügt chli dur d'Weltgschicht und tuet spinne wie kein Zweite!

De Goldpriis stiiht, de FC ab, mer wänds nöd hoffe,
kei Goal, kei Sieg, goht das so wiiter isch es gloffe,
bi eus do striicheds Turnfäscht, Sportler chömmer büüte,
falls ihr no Stürmer bruuched müender nur alüüte!

S'hät z'vill Verkehr in Wollerau nur uf de Strasse,
Verkehr zum Chindli mache haltet sich in Masse,
im Kreisel muesch nümm hinter Mami-Taxi warte,
will s'git im Dorfkern nöd mal meh en Kindergarte!

Es Altersheim i de Turmmatt scho plant sit Jaahre,
jetzt wänd's mit dem in Richtig Hergisroos abfahre,
für die Alte super Seesicht uf de Höchi,
und au de Partyruum vom Mächler i de Nöchi!

De Friedrich Merz seit dass die Dütsche z'wenig schaffe,
sie sind z'vil krank und tüend au hüfig Blaue mache,
sis Vorbild dass seg d'Schiiz det teig sich s'Schaffe lohne,
doch s'müesstet nöd all Schwabe grad zu eus cho wohne!

Fast jede Tag in Frankreich tüend sie demonstriere,
de Macron de hät Müeh das Land no z'präsiere,
sogar vo sinere Frau wird er im Flugzüg gschlage,
drum tuet er sich as WEF nur mitre Brülle wage!

Im Parkhuus z'Wollerau häds Parkplätz zum vergüde,
au suscht im Dorf do hättis gnueg, au ohni z'lüge,
doch ei Stell gids, scho zwei händs welle det probiere,
grad uf em Gleis do söttich jetz würkli nöd parkiere!

Ja d'Höfe die strebt doch immer meh zue is extreme,
Stüüre, Chaufkraft, all Jahr sind's die gliiche Theme,
Rekörd die tüend mir nöd nur bräche wenn's ums s'Geld gaht,
will i de Summe händ mir au de schwerscht Bezirksrat!

BILDER



d'MZH beliebt, will jede wett de erscht sii,
egal öb Jodler, Turner, Gmeind treit jede Wunsch iih,
mit de Termine nöd so gnau, det machets tänzli,
händ jetz am gliiche Abig alli ihri Kränzli!

I allnä Königshäuser ggesch Skandäl grassiere,
in England tuet de Andrew sich als Prinz blamiere,
in Oslo macht de Marius gern schickimicki,
Skandalfrei zrugg tritt nur de König Joel Wicki!

TWINT

